

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



SA EXAM  
PAPERS



# basic education

---

Department:  
Basic Education  
**REPUBLIC OF SOUTH AFRICA**

## SENIOR CERTIFICATE EXAMINATIONS

**SISWATI LULWIMI LWASEKHAYA (HL)**

**LIPHEPHA LEKUCALA (P1)**

**2018**

**IMEMORANDAMU**

**EMAMAKI: 70**

**Lememorandamu inemakhasi la-9.**

## **SIGABA A: SIVISISO**

### **Imemorandamu yekumaka sivisiso:**

- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa.
- Nangabe umhlolwa asebentisa emagama aletinye tilwimi letingasiso Siswati akanganakwa lawo magama, kodvwa nangabe imphendvulo ivakala ihambisana nembuto akangajeziswa. Nangabe kusetjentiswe ligama lalolunye lulwimi etheksthini kantsi liyafuneka emphendvulweni, loko kwemukelekile.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/LIPHUTSA nobe LIPHUZU/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.
- Nangabe umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe nangabe ligama lelifunekako lidvwetjelwe nobe ligcanyisiwe.
- Nangabe umbuto udzinga emaphuzu lamabili/lamatsatfu kodvwa bahlolwa banike langetulu kwaloko, akumakwe lamabili/lamatsatfu ekucala.
- Inkhulumosigodzi (lulwimisigodzi) yemukelekile.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe luhlavu loluhambisana nemphendvulo nobe nangabe abhale imphendvulo ngalokugcwele.

**UMBUTO 1****1.1 TIMPHENDVULO TETHEKSTHI A**

- 1.1.1 Makhweyana wamshada LaMkhonta/Wamshiyela lifa/Wamvikela nakubodzadzewabo. (1)
- 1.1.2 Kuphakamisa umbhedze nakahlanta likamelo lakhe/Kukhuculula emabhokisi lasekudzala ahlala/Kuhahlula nekugceba kabusha timphahla temuyi, njll. (1)
- 1.1.3 Bekutawenta kutsi Somancandzeka angetfuki/Kwetfuka kwaSomancandzeka. (1)
- 1.1.4 Kokhela umlilo. (1)
- 1.1.5 D Sanyase. (1)
- 1.1.6 Bakha emanti emfuleni/Bawashela emfuleni/Akunagezi, njll. (1)
- 1.1.7 Wenta imisebenti lengetulu kwemandla akhe, njengekohlanta yonkhe indlu lenemakamelo lamatsatfu ngesikhatsi sinye/ Kuphakamisa umbhedze ayedvwa/Kuvuka lokwa atsanyeke libala ayedvwa, njll. (1)
- 1.1.8 Tihlangana ngekutsi sikhatsi labetsanyela ngaso besisasekuseni kakhulu kusemnyama lokukholelwa kutsi sikhatsi sekuhamba kwetimpahaka/batsakatsi. (1)
- 1.1.9 Lesaga sichaza kutsi nawutawulala ungavuki usebente awunawudla lutfo/Kulala akunamvuzo/akukhokheli, njll. (Naleminye imibono lenembako yemukelekile.) (2)
- 1.1.10 Tingaba bufakazi bekutsi sikweleti sikhokhelwe/Kwati kutsi sewusikhokhele kangakanani sikweleti sakhe, njll. (Naleminye imibono lenembako yemukelekile.) (2)
- 1.1.11 Timphendvulo titaweHLuka tifake ekhatsi loku lokulandzelako: Bebafuna imali netimpahla temnakabo/Bebacabanga kutsi Lamkhonta utatitsatsela imali angondli bantfwana/Bebacabanga kutsi angatsatsa konkhe labeshiyelwe kona, ahambe ayewuhlala kubo/Bebacabanga kutsi kungenteka ayewendza embili, ahambe nelifa lemnakabo/Kungenteka abengatiphatsi ngendlela lemukelekile embikwabo, ngaloko babona kuncono bamcoshe babuye bamemuke konkhe, njll. (Naleminye imibono lenembako yemukelekile.) (2)
- 1.1.12 Kungenteka kutsi letimpahla utibekele kutsi tibe sikhumbuto kuye/ Kungenteka kutsi ubekele labanye bantfwana bakhe bebafuna labasebancane, njll. (Naleminye imibono lenembako yemukelekile.) (2)

- 1.1.13 Bafundza kunakekela emakhaya abo nekuphatsa kahle imali labayishiyelwe bayeni babo. LaMkhonta lifa lalishiyelwa nguMakhweyane wakha ngalo indlu, wayisa bantfwana esikolweni, bekondla bantfwabakhe ngalo.  
(Naleminye imibono lenembako yemukelekile.) (2)
- 1.1.14 Labatsi abefanele batawesekela ngekutsi: Abefanele kute lifa labalishiyelwe ngumyeni wakhe lingasheshi liphele/Bekufanele vele kutsi avuke ayewusebenta njengobe bantfwana bebasebancane sekute longabakhulisa/Bekuyindlela yekutilibatisa njengobe umyeni wakhe besashonile, njll.  
Labaphikisako batawesekela ngalokwenembako.  
(Naleminye imibono lenembako yemukelekile.) (2)

## 1.2 TIMPHENDVULO TETHEKSTHI B

- 1.2.1 Abakafaki kwekuvikela timphumulo/Abakembatsi timphahla tekuvikela imikhono/Lomunye kulesibonwa akakafaki kwekuvikela tandla. (1)
- 1.2.2 Kuhloba kwetitaladi/Kuvikeleka etifweni/Kutsandzeka kwenzawo/Kuvuleka kwematfuba emsebenti, njll. (1)
- 1.2.3 Angabanika imigcomo yekulahla tibi sitaladi ngesitaladi/Angabafundzisa ngetemphilo, njll.  
(Naleminye imibono lenembako yemukelekile.) (1)
- 1.2.4 Kutsi basheshe babonakale kutsi babuya ndzawonye/nangabe lomunye wabo avelelwa yingoti/Kuvikela timphahla tabo kutsi tingangcoli, njll.  
(Naleminye imibono lenembako yemukelekile.) (1)
- 1.2.5 Letibi tingavundziswa kwentiwe manyolo ngato, longasetjentiswa nakulinywa/Letinye taletibi kungentiwa ngato umkhicito kabusha, njll.  
(Naleminye imibono lenembako yemukelekile.) (2)
- 1.2.6 **Umehluko.**
- Theksthi A ukhuluma ngentfombatane lehlantisisa indlu kantsi kuTheksthi B kuvetwe bobabe labahlanta sitaladi.
  - Theksthi A ukhuluma ngaNomkhosi lowetfusa Somancandzeka kantsi Theksthi B akanako kwetfusana.
  - Lokwentekako kuTheksthi A kwenteka ekhaya kantsi lokukuTheksthi B kwenteka esitaladini, njll.  
(Naleminye imibono lenembako yemukelekile.)
- Budlelwano**
- Omabili lamatheksthi akhuluma ngekuhlanta indzawo letsite.
  - Kuwo omabili lamathekisthi bantfu babutsa tibi.
  - Kuwo omabili lamathekisthi baphetse imitsanyelo.  
(Naleminye imibono lenembako yemukelekile.) (4)

**SAMBA SESIGABA A: 30**

**SIGABA B: SIFINYETO****UMBUTO 2**

Sifinyeto kufanele simakwe ngalendlela lelandzelako:

- **Kwabiwa kwemamaki:**
  - Emamaki lasikhombisa (7) abelwe emaphuzu lasikhombisa (7), (1 limaki labelwa liphuzu ngalinye).
  - Emamaki lamatsatfu (3) abelwe lulwimi.
  - Samba semamaki: 10.
  
- **Kwabiwa kwemamaki labelwe lulwimi nangabe umhlolwa asebentise emagama akhe:**
  - 1–3 emaphuzu langenamaphutsa nika 1 limaki.
  - 4–5 emaphuzu langenamaphutsa nika 2 emamaki.
  - 6–7 emaphuzu langenamaphutsa nika 3 emamaki.
  
- **Kwabiwa kwemamaki elulwimi nangabe umhlolwa acaphune njengobe kunjalo etheksthini:**
  - 6–7 ticashunwa umhlolwa **akanganikwa** emamaki elulwimi.
  - 1–5 ticashunwa umhlolwa akanikwe 1 limaki lelulwimi.

**CAPHELA:**

- **Sibalo semagama:**
  - Labamakako kumele bacinisekise linani lemagama lelisetjentiswe esifinyetweni.
  - Kungabokhishwa emamaki nangabe umhlolwa angakalikhombisi linani lemagama lasetjentsiwe nobe abhale linani lelingasilo lemagama lasetjentsiwe.
  - Nangabe linani lemagama lingetulu kwalelo lelimisiwe, fundza ufike ekugcineni kwemusho wekugcina ngetulu kwalawo lemisiwe, uyekele incenye lesele yesifinyeto.

**UMONGO WESIFINYETO****EMAPHUZU LABALULEKILE LEKUMELE AVELE ESIFINYETWENI LESITINDZIMA: (Umhlolwa akavete tintfo letisikhombisa Lifa lahlangabetana nato emva kwekuvelelwa yingoti yemoto.)**

Sib.

Tintfo besetimjikele Lifa sekete ngisho nendzawo yekufihla inhloko, sahlala emkhukhwini nawo lofuna kuwa. Imoti yakhe beyingasasebenti sekuyindzawo yekutalela tinkhukhu. Besasaba nekubukana nebantfu ngenca yekuhlushwa ngunembeza.

Bantfu besebahlekisa ngaye, sekwentiwa ngaye sibonelo nakwekhutwa bantfwana. Tonkhe tinini takhe kanye netihlobo besetihambela ekudzeni naye, timecwaya. Yonkhe imali labenayo yashabalalisa kwemanti ageleta emhlabatsini. Imphilo yakhe beseyilukhuni, waggcine angasenalo ngisho nelucingo lwekushaya.

[56 emagama]

	<b>Sicashunwa</b>		<b>Emavi emhlolwa</b>
1	'Kepha lamuhla Lifa bese atiphice yena, angasenandlu, asahlala emkhukhwini lotjekile lobuye ungenamafasitelo.'	1	Tintfo besetimjikele Lifa angasenandzawo yekufihla inhloko, sahlala emkhukhwini nawo lofuna kuwa.
2	'Lifa besekete ngisho imoto, besekulihhoko letinkhukhu lucobo.'	2	Imoto yakhe beyingasasebenti sekuyindzawo yekutalela tinkhukhu.
3	'Abesanemahloni ekubukana nebantfu ngenca yesatelo lebesesimhlupha busuku nemini.'	3	Besasaba nekubukana nebantfu ngenca yekuhlushwa ngunembeza.
4	'Labanye besebabona nkalwane embetse sikhumba sesahhukulu, sebenta sibonelo ngaye nabekhuta bantfwababo.'	4	Bantfu besebahlekisa ngaye, sekwentiwa ngaye sibonelo nakwekhutwa bantfwana.
5	'Bonkhe bangani bakhe kanye netihlobo besetimbalekele asayintfo lengafunwa nangubani emhlabeni.'	5	Tonkhe tinini takhe kanye netihlobo besetihambela ekudzeni naye, timecwaya.
6	'Lokungapheli kuyahlola ngobe nayo lemali yetinyembeti yanyamalala njengemanti lacitseke emhlabatsini.'	6	Yonkhe imali labenayo yashabalalisa kwemanti ageleta emhlabatsini.
7	'Kwaba matima ngobe namakhalekhukhwini abengasenaye, konkhe besekushabalele.'	7	Imphilo yakhe beseyilukhuni, waggcine angasenalo ngisho nelucingo lwekushaya.

**SAMBA SESIGABA B: 10**

**SIGABA C: TAKHI NETIMISO TELULWIMI****Imemorandamu yekumaka SIGABA C**

- *Sipelingi/Lupelomagama:*
  - Timphendvulo letifuna ligama linye kufanele temukelwe nanobe sipelingi/lupelomagama sinemaphutsa, ngaphandle kwekutsi liphutsa lesipelingi lintjintja inshokutsi yalelo gama.
  - Timphendvulo letifuna imisho legcwele kufanele tingemukelwa nangabe liphutsa lesipelingi lisesakhiweni selulwimi loluhlolwako.
  - Nangabe kuhlolwa sifinyeto seligama, imphendvulo kufanele ifakwe tiphumuti/timphawu letifanele.
- Takhiwo temisho kufanele tilandzele luhlelo lolwemukelekile tibuye tibhalwe ngalokugcwele njengobe kubekwe eticondzisweni.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe KOKUBILI, luhlavu loluhambisana nemphendvulo NA/NOBE nemphendvulo lebhalwe ngalokugcwele.

**UMBUTO 3**

- 3.1 HHule!!! Kulabo labanaso. (1)
- 3.2 Umoya waleSiphuphutsi uphephetsa ngesishingishane/siphepho, upholise yonkhe indlu. (1)
- 3.3 Usondzele kakhulu kulomkhicito/Ulalele umoya lomnandzi lophephetsa tindlebe takhe, njll (1)
- 3.4 C/Simuntfutiso. (1)
- 3.5 Lomusho uyahunga, udvonsa bantfu kutsi lomkhicito umahhala, uyemukelwa kube ubita imali lenkhulu lebhalwe ngemagama lamancane kute tetsamelilwati tingaboni, titewusondzela esikhangisweni. (1)
- 3.6 Sihambisana ngekutsi lomkhicito ukhokha umoya kantsi nesicubulo sikhangisa ngaloko lokukhokha umoya, 'Siphuphutsi'. (1)
- 3.7 Siyakhutsata ngobe sitjela bantfu kutsi abayekele kukhala ngekushiswa lilanga, batsenge lomkhicito batewuphola/Siyakhutsata ngobe sitjela bantfu kutsi ababalekele ingoti yekushiswa lilanga batsenge lomkhicito lotabaphotisa. (1)
- 3.8 Lomusho ucuketse imfundzisolite ngobe umoya lokhishwa ngulomkhicito ubanga kutsi labawuhlalele bavimbane, babe nemkhuhlane, kakhulukati nangabe ubashaya ngco ebusweni njengobe kwente lenja. (1)
- 3.9 Lomusho awemukeleki ngobe utsatsa luhlangotsi, ubandlulula labanjingile nalabaphuyile/Lomkhicito utfolakala kunanobe nguluphi luhlobo lwebantfu ingce nje nabanemali yekuwutsenga, kungasikutsi baphuyile. (2)

**[10]**



**UMBUTO 4**

- 4.1 Emadvodza ayadlalana. (1)
- 4.2 Bangematse nelulwimi/Bangumjingi namkhotsane/Inyalitsi nakotini/Basinkhwa nabhotela, njll nalabanye bomahambisana labachaza simo salaba labeme embikwemfundisi. (1)
- 4.3 Ubukeka angakujabuleli loku lokwenteka kulesibonwa ngobe ukhamise umlomo umangele. (1)
- 4.4 Achaza kutsi kukhona lokushiye/Kunenkhulumo leshiye/lesele. (1)
- 4.5 A/Ngumtsimba. (1)
- 4.6 Kucedzelelwa umusho ngesiga senkhulumo lesihambelana nesimo semlomo walomsikati lohleti phasi kulekhathuni.  
Sib. Uhlela kuphila kamnandzi ingunaphakade, **klibhi klololo/tiga/hebegu/yenabakitsi**, njll.  
(Naleminye imibono lenembako yemukelekile.) (1)
- 4.7 'Ngelilungelo lenginikwe lona, lamuhla ngitsi nine nobabili seninyamanye!!!!.'  
Kushiwo ngobe ngaphandle kwalomfundisi ngeke uchubeke lomshado/ngekuba nelilungelo lekushadisa/ngekutsi konkhe lokuyowenteka emva kwalomshado kutawube kugunyatwe nguye, njll.  
(Naleminye imibono lenembako yemukelekile.) (2)
- 4.8 Kubhalwa umusho lonesaga lophendvula lokushiwo ngulomake lohleti phasi, lokuhambisana nesimo sebuso balona lomdvuna locabangako.  
Sib. Unemona, awati kutsi **umjingi udliwa yinhlitiyo/inhlitiyo ayiphakelwa/umona usuka esweni**, njll.  
(Naleminye imibono lenembako yemukelekile.) (2)

**[10]****UMBUTO 5**

- 5.1 Kubhalwa lomusho lodvvetjelwe endzimeni yesibili bese kufakwa sijobelelo sesinciphiso (-ana) egameni lelingundzaweni, '**emahlatsini**.'  
Ntsambama utababona balandzelana bayewushona ngale **emahlashaneni**. (1)
- 5.2 Kwaba nemchudzelwano wegalufu ngemnyaka **we-1989**. (1)
- 5.3 Kukhokhwa umusho lonesibalulingco endzimeni yekucala bese siyadvvetjelwa.  
Kwekhuta Jona etfuswa ngulelihlati **lelihlati** boBhoyi naThemba. (1)
- 5.4 Kusetjentiswa ligama lelibunikati, 'letinhlatfu,' emshweni.  
Sib. Lihlati letinhlatfu liyashiswa/lishiswa ngemlilo lomkhulu. (1)
- 5.5 Kuyawutsi kusa besutsi bafana **futsi** bashisa/Kuyawutsi kusa bafana besutsi **futsi** bashisa. (1)

- 5.6 Kusetjentiswa sabito sekukhomba edvute, 'lapha,' emshweni.  
Sib. Utse nakefika lapha samangala sonkhe. (1)
- 5.7 Kuvetwa inshokutsi yeselulo sesento ngasinye lesidvwetjelwe kulemisho lelandzelako.
- 5.7.1 Kulitjatwa/Kwenta intfo yinye sikhatsi lesidze. (1)
- 5.7.2 Sizatfu. (1)
- 5.8 Kwakhiwa umusho lophocako ngeligama, 'buchwabalalana'.  
Sib. Nginike buchwabalalana bami ngobe ngisebentile! (2)  
**[10]**

**SAMBA SESIGABA C: 30**  
**SAMBA SAKO KONKHE: 70**